

من هو الشعب المصري(2) | برنامج لقاء (بعد الثورة) | 31-6-

1102 | الشيخ حازم صلاح أبو اسماعيل

حازم صلاح أبو اسماعيل

بسم الله الرحمن الرحيم. الحمد لله رب العالمين وشهاده ان لا اله الا الله وحده لا شريك له وشهاده ان سيدنا محمدًا عبد الله ورسوله صلى الله عليه وسلم ايتها الاخوة السلام عليكم ورحمة الله وبركاته - 00:00:00

طبعاً الاحاديث الجارية تهدد بمنتها الخطورة. وانت تعلمون ذلك وتدركونه والحقيقة انه بسبب هذا فان معظم الرسائل التي تأتي او التي اتت الي عبر الأسبوع الماضي كلها تتحدث حول درجة يعني - 00:00:18

آآ حول درجة المخاطر الموجودة في آآ الساحة حاليا وما يقال من امور. آآ فيه اي اشكالية ولا حاجة نعم. فنسأل الله عز وجل التيسير يعني الصوت كويسيس اخواني تذر بمنتها الخطورة لانه في حقيقة الامر - 00:00:45

الكلام يدور حول اشكالية انه هل يا ترى الصح ان احنا ننتظر ويطول الانتظار لغاية ما يحصل الامر الطبيعي اللي هو ان احنا نضع الاساس ثم نبني عليه البناء اللي هي مسألة الدستور اولا ولا الانتخابات اولا - 00:01:11

طبعاً الحديث لما يدور من الوجهة المنطقية من وجاهة الكلام المنطقي يقول لك ان الدستور هو الاساس وبالتالي الشيء الطبيعي انك تضع الاساس ثم تضع عليه البناء الحقيقة ان المنطق ده مغلوط - 00:01:32

اولا لانك لست امام فراغ حاليا. انت مش بتبني بناء من اول وجدید انت امام بناء قائم وانت تريدين ان تصلح البناء القائم بان تضع له اساساً قوياً فانا ما اقدرش اعتبر ان انا في حالة فراغ كاملة انا ببني بلد ما فيهاش لا قوانين ولا دستور ولا شعب ولا نزم وبالتالي لازم اضع - 00:01:52

قبل ما ابني البناء وانما المسألة مختلفة. انه الوضع القائم فيه بناء قائم ومطلوب ان احنا نصلح الاساس بتاعه بان احنا نشيل الاساس اللي مش نافع ونجيب اساس جديد. ولذلك هو مش اساس خالص. هو عبارة عن عقد جديد. يعني انا وانت - 00:02:18

وكنا شركاء في مسألة وانا ظلمتك او انت ظلمتني فاحنا بنضع قواعد جديدة للتعامل نؤسس عليها علاقتنا القادمة. احنا مش بنؤسس وجودنا احنا بنؤسس علاقتنا وبالتالي الدستور بيضع اساس مختلف - 00:02:39

عن الاساس اللي كان موجود لعلاقات مستمرة قبل كده وبعد كده. يعني ايه الكلام ده؟ يعني كان فيه حاكم ومحكوم وفيه سلطات للدولة وبتحكمهم علاقة. العلاقة دي اسمها الدستور حصلت احداث خمسة وعشرين يناير - 00:03:00

وكشفت او يعني مش كشفت واجهت اللخبطة والفساد والظلم اللي كان موجودة فقلنا لا يبقى احنا لازم نضع علاقة من نوع جديد بين هذه المؤسسات وبعضاً وبين الحاكم والمحكوم وذلك بان نضع دستوراً جديداً - 00:03:21

ما اقدرش انا اعتبر ان ما فيش شعب وما فيش بشر وما فيش ناس عندي اشكاليتين هنا. اولا هتجد الناس كلهم اللي بيقولوا الدستور اولا كلهم من نوع واحد. اللي هو نوع الناس الشيك - 00:03:42

الاكاديميين المحترمين اللطاف الزراف الحلوين اللي بيتكلم منطق بحت قاعد في اوضة مكيفة امام تليفزيون امام اضاعة بيكتب في غرفته بينشر في صحيفته وهو في النهاية بيفك التفكير المحسن ده غير الشخص اللي ايده في النار - 00:04:01

غير الشخص اللي في الشارع اللي بيقول انه ما من مرة في التاريخ الانساني حصل فيها ان الحكم العسكري الانتقالي كان موجود وترك لفرصة ليطول وجوده الا وحصلت مشكلات - 00:04:26

مین یقہل ان انا اعید وضع علاقات الدوّلة وانا تحت ظل حکم عسکری لا املک بالنسبة له اي محاسبة وانا ذکرت من قبل وادیکم شفتم اول امبارح بس. او ربما امبارح - 00:04:43

انهم آآ الحکومۃ الحالية والحكومة الحالية حلوة ولا وحشة انما آآ يعني الحقيقة لازم شویه يعني آآ الحاکم لابد ان يكون قویا يعني ما انما على كل حال. وضعوا میزانیة الدوّلة للسنة الجديدة. میزانیة الدوّلة - 00:05:01

الدوّلة هتصرّف ایه وھتكسب منین وھتوزع ازای ودخولها منین ومصروفاتھا منین المیزانیة دی كانت في الاحوال العاديّة بتعرض على الشعب على نواب الشعب وبرغم كل الفساد اللي كان موجود في البلد بالكامل - 00:05:20

انما كان في اعضاء في مجلس الشعب بیناقشو المیزانیة ويطلعوا فيها مصائب خفیة. خفیة انما دلوقتی نزل الخبر انه صدق السيد المشیر محمد حسین طنطاوی على المیزانیة. يا دی المصیبة - 00:05:36

يعني معنی کده انه میزانیة مصر اللي هتتصرّف ولها موارد في سنة كاملة لخمسة وثمانين مليون رهن بتوقع شخص واحد ان شاء الله يكون ملاک من السما اللي هو محمد حسین طنطاوی يمضي عليها کده لو هو ملاک من السما حتى ده شخص واحد - 00:05:52 لا الشعب راقبها ولا نواب ناقشوها ولا شيء استعراضه ولا حد له اي سلطة انت الان امام حالة من السلطة المطلقة. افرض بقى انه غلط في بند من المیزانیة الناس ينزلوا میدان التحریر مليونية لمناقشة المیزانیة - 00:06:11

نزل میدان التحریر لشیل السطّر رقم تمنتاشر من الصفحة میة خمسة وعشرين من المیزانیة ما ينفعش لذلك احنا امام حالة الضرورة لازم زی ما قلت لكم اللي عایزین يرتدوا الى مسألة انه نضع الدستور اولا دول الجماعة المغرقین - 00:06:29

المنطقیة وكأن ایدینا في المیة الباردة وكأن ما فيش مخاطر من استمرار الحكم العسكري وامتداد الفترة الانتقالیة سبع تمن شهور زیادة ولا سنة زیادة وكأن ما فيش ايضاً مخاطر من مسألة انه - 00:06:50

اه يعني انه دولة بلا سلطات. النهاردة لما ییجي وزير افرض وزير سرق مليون جنيه. حد النهاردة یقدر یحاسبه؟ لا في نواب ولا في حتى محاکمة الوزراء ولا محاکمة الرئيس ولا محاکمة بناء على طلب من تلت نواب المجلس ما فيش مجلس شعب ما فيش برلمان - 00:07:05

اذا انا عندي وزير سلطاته لا حدود لها. وعندی مجلس عسکری سلطاته لا حدود لها. والشيء الوحید المطروح ان الناس ينزلوا مليونية وانتم شایفين کیف یتم التفریق بين الناس؟ تفریق بينهم - 00:07:27

في في عشان ما یقدروش ينزلوا مليونیات عشان ما یخبطوش في بعض ورأیتم انه فيه مستشارین في القضاء یاخدوهم یحیلوهم للمحاکمة للقضاء العسكري. وفي مزیعة في التلیفیزیون لمجرد انها انتقدت انتقدت واحد من الضباط - 00:07:43

الجیش ودوها احالوها للنیابة العسكرية مش ممکن تقدّم تکلمی منطقیاً واحنا هادیین اوی کده وانا عندي طریق ھینقطع على انقطاع تام وتبقی عملية قطع طریق ومش هعرف اوصل لذلک انا دائمًا کررت لو سمحتم - 00:08:05

اقروا اي كتاب یعجبکم فيه مذكرات ثوار اتنین وخمسین سنة ثلاثة وعشرين یولیو اتنین وخمسین التي جرت على البلاد والعباد الوبال وضیعت غطاسة البلد ستین سنة انما آآ اقرأوا اي كتاب فيها عشان تشوفوا ان نفس المناقشة بين الناس اللطاف الزراف المحترمین الشیک اللي هو أ - 00:08:23

او الصح والغلط والدستور اولا وبين ادرک الفرصة اللحظة التي تعتبر لحظة فارقة في تاريخ الاوطان. دي ما تتتسابش وهناك فارق كبير بين انا في الحالتين اريد ان اضع دستوراً ممتازاً - 00:08:45

الفرق هل اضعه وانا تحت مظلة الحكم العسكري والحكم المطلق والحكم الذي ليس هناك من يراقبه والحكم في صورة فعلًا ولا انا اشتغل احظر الدستور تحت مظلة حکم نیابی خايف من الشعب لان الشعب - 00:09:06

هو اللي منتخبه افرض انه منتخب فيه قصور افرض انه فيه غلط افرض انه مش مثالی افرض انه مش میة في المیة. لكن في النهاية انا بقارن بين الحكم مش محتاجني مطلقاً - 00:09:26

ولا انا لي عليه سلطة مطلقها وسلطاته مطلقة ويقدر یعمل كل حاجة ويجري اعداد الدستور تحت سلطانه هو اللي یختار الهيئة

التأسيسية ولا يشوف لها طريقة وبين حكم انا لي عليه سلطان مين يقول - 00:09:41

انه سبني تحت حكم من لا سلطان لي عليه بيقول لك لأ ما هو احتشاد الناس في الشوارع والميادين ده مخلي المجلس العسكري كوييس اصلا واحتشادهم هيخليله يمشي كوييس مش ممكן تتصوروا واحنا مش شايفين الحالة مش شايفين ان الناس كانت تتنمّى انها تنزل الى ميدان التحرير مسلا الجمعة اللي هي - 00:09:57

من يومين علشان حصل كزا وكزا وخلفت من الخلاف الذي هو الذي يدب بينها فقالت لا بلاش بنخاف سلم مش هنعرف ننزل احنا متفرقين احنا لازم نفرق بين الجماعة المتألقين اللي يعني بيقدّع يزبّط كرفته وجاكته ويتكلّم ويبحث ويُشوف وبين الناحية العملية - 00:10:23

عايزين شعب يستقر على انه يمتلك حدوده بيجي بقى لما تيجي تقول لهم الكلام ده يقوم يطرح فكرة تانية جميلة جدا برضو شكّلها في منتهي الشياكة يقول لك ما هو الاحزاب مش جاهزة - 00:10:47

طيب وانتم ادوا الاحزاب فرصة. والاحزاب ما خدتش فرصتها ومش معقول يبقى الاحزاب ما خدتش فرصة طيب يا حبيبي الكلام ده هايل جدا. لكن هو انا باعالج وطن انا بحط له شروطه ومواصفاته ولا انا باعالج وطن في اللحظة الحالية بمواصفاته حاليا - 00:11:05

وانا باعالج وطن في الخيال ولا باعالج وطن في الواقع؟ ظروف البلد دلوقتي ان ما فيهاش احزاب قوية معقوله عطل بلد وشعب وخمسة وثمانين مليون انتظارا لان تتفقى الاحزاب انا عندي حزب التجمع مسلا - 00:11:30

نشأ سنة ستة وسبعين او سبعة وسبعين. يعني معنى كده فات عليه خمسة وتلاتين سنة في صعوبات بس بقى له خمسة وتلاتين سنة حزب الوفد بعد نشا في برضو سبعة وسبعين وبعددين تجمد شوية ورجع تاني في اربعة وثمانين يعني لأنقدر نقول ان حوالي - 00:11:49

تلاتين او سبعة وعشرين سنة في صعوبات لكن عنده مقرات وصحف وآأنواب حزب الجبهة نشا بقى له كزا حزب الناصري نشا يعني الاحزاب مرت بوقت لها صحف سنين طويلة صحف لها مقرات لها كواذر لها لها - 00:12:10

كونها مش جاهزة ما اقدرها اعطل وطن بزيه زي ما بيقولوا. بكماله انتظارا لما الاحزاب تجهز هو يقوم يرد علي ويقول لي ايه ؟ انت اذا بتفضل بين مصلحة وطن وبين مصلحة احزاب او افراد آآ في الاحزاب دول صحيح - 00:12:30

القوية مصلحة للوطن كلية كما يقولون. انما في الآخر انت بتشفّف بلد هتضيع عشان انت مستني خمس ست احزاب ما استغلّتش وبعددين يقول لك مسلا الاخوان المسلمين هم الوحدتين اللي جاهزين. هو الاخوان المسلمين كانوا جاهزين يعني لأنهم كانوا على الحجر. كانوا - 00:12:49

اترك لهم صحف يصدروها كان لهم مقرات كانوا بيتحدونا يتحبسوا ويضربوا وتوخذ اموالهم وتصادر فاذا هم مش دول كانوا اسوأ حالا اسوأ محاصرة اسوأ خضوعا او يعني وقوعا تحت الطغيان - 00:13:11

من الاحزاب يقول لك لأ بس لو كان لهم وسائل خاصة. ايه الوسائل الخاصة؟ كانوا بيعملوا ايه؟ كانوا بيحضرروا عفاريت يعني وسائل خاصة بيعملوا ايه يعني وسائل خاصة كان بيروح للشيخ يفتح المندل مش شيخ طبعا انما يروح لواحد يفتح المندل ويقول له اثر لي على الجيران يحبوني - 00:13:31

وسائل خاصة انه بيتصل مع الناس يعني وسائل خاصة انه بيفتح بيته يعمل كوباء شاي وشوية كيك ويقعدها مع الناس يتكلّموا معهم. طب ما كنتم تشتعلوا كده ما دي السياسة - 00:13:49

هي السياسة ان تكون عاجزا عاجزا عاجزا. ولما تلاقيني انا عامل في بيتي كوباء شاي ووداعي انتين ثلاثة وقاعد اتكلّم معهم. يبقى هي دي اسمها وسائل خاصة. ما تشتعل وسائل خاصة. مش انت راجل وطني ونزلت - 00:14:00

ميدان التحرير وبتقول ان انت كنت عايز تقلب البلد علشان الزلم موجود. طب انا دعوتك لايسر من هذا. لأن انت عندك مقر زي ما قررت زي القصور وصحف سيارة انك بس تشتعل - 00:14:17

فازا كنت مارست وفشلتم ومارس غيرك بحدود ضيقه وناجحة ما تجيشه تقول لي النهاردة هو اللي جاهز ومع ذلك هذا الكلام ايضا غير صحيح. ليه لانه احنا النهاردة الحقيقة لما تيجي تشوف - 00:14:32

ودي نقطه مهمه جدا يا اخوانى مهمه جدا ومع ذلك قبل ما ادخل فيها هقول لك هم بيردوا علينا يقولوا ايه؟ يقول لك لا ما هو انت اصل انت خلي بالك انت بتتكلم عن الاحزاب القديمه الاحزاب اللي اتصفح انها بايزه ومش نافعه وما لقت الحكم - 00:14:51
وطول عمرها كانت عباره عن ديكور علشان يكمي حسني مبارك ونظامه ويعني انت عارف وانا عارف وناس بتوع مصالح ومش نافعين وملتوبين وكلهم ولو نملك نحاكمهم ونوديهم في داهية الخيانة العظمى دا دول اللي كانوا بيتفقوا مع مباحث امن الدولة
واحنا بنسمتهم احزاب امن الدولة يردوا بهذه الردود. انما احنا نقصد ايه - 00:15:07

هو بقى بيقول نقصد الاحزاب الاخرى الجديده اللي هي احزاب شباب الثورة اللي من حقها تنشأ وتأخذ وقتها وفرصتها وتعمل شغل والناس يؤيدوها والله يا اخي كلام لطيف او اي كلام جميل جدا. لكن زي ما بقول لك برضو نفس الرد - 00:15:31
هو انت بتقول لي على البلد انها تكون بالشكل الفلاني عشان احل لها مشكلتها؟ ولا انا بحل مشكلتها دلوقتي؟ انا دلوقتي لقيت العمارة
انا ساكن فيها لا قدر الله بتقع - 00:15:52

قالوا لي اجري يلا بسرعة لان العمارة بتقع اقول لهم لا استنى لما البس البذلة والكرافطة واحاط برفانات واحاط وانزل وانا يعني في حالة آآ لياقة كاملة ولا انا انسان ينقد نفسه من الهدم من الهدم من من الوقوع تحت الانهدام البنيان - 00:16:05
فانا مش بلاش مش رايقين احنا قوي ان احنا بنحل زروف بلد متخيلا في زهتنا. انتظر حتى نضع الدستور وتقوم الاحزاب وتأخذ فرصتها وتنجح في دعم شعبيتها وتتنافس افكارها ثم بعد ذلك - 00:16:28

نقيم انتخابات ده انت يا بيه انت مش بتتكلم عن الواقع بقى انت راجل قاعد خد حاجة كده وقاعد يتخيل بيه تخيلات ان شاء الله ربنا توقف وتحل وتحصل علما بان معظم هذه الاتجاهات والله لو اشتغلت عشرين تلاتين اربعين سنة ولا هتجيب حاجة - 00:16:48
لانه قبولهم دول خايفين ينزلوا بين الناس. بيتكلموا لغاية دلوقتي من وراء الجدر ومن وراء الستارة ومن وراء التليفزيون خايفين ينزلوا في الشوارع خايفين يروحوا للناس خايفين يعقدوا ندوة في على قهوة على مقهى يعني على مش مهم هو مش عارف - 00:17:09

يتقابل مع الناس انت عايز ده النوع ينزل وتدى له مسلا سنة يكون الدنيا فيها خربت خربت والكلام ده انا قلتة من حدasher فبراير وليس اليوم ولكن سبحان الله يعني آآ نصحته ولكن اهو ده اللي حصل - 00:17:28
الحاصل لاخواني ان ما ينفعش طيب ايه الحل بقى؟ اسمع بقى الحل دلوقتي انا عندي كنت اتمنى ان يبقى عندي احزاب قوية عشان اقدر اعمل انتخابات تمثل الشعب طيب ما عنديش ان احزاب قوية - 00:17:50

اقوم هعمل ايه بقى؟ الصح بقى الكلام بقى المحترم اللي يراعي الناحية العملية ان انا مش هاعول على الاحزاب خالص ولا اعول على الاخوان المسلمين. ولا اعول على الاتجاه السلفي ولا ما ليش دعوه بالكلام ده كله - 00:18:08

انا بقى نقلت نفسي تماما اني اعول على حاجة تانية. على الشعب المصري على الناس على البشر هو للدرجة دي احنا ساحبين الثقة من الخمسة وثمانين مليون كلام ولامن الأربعين وخمسة واربعين اللي هيدوا اصوات في الانتخابات مليون - 00:18:26
للدرجة دي دول ما بيفهموش للدرجة دي ما فيش سقطة ان خمسة واربعين مليون مصرى بكلامهم ما يعرفوش يختاروا للدرجة دي الرجال اللي بيطلع في التليفزيون في القناة اللي جنبنا الشاشة اللي جنبنا لما اتقلب. هو ده - 00:18:44

اللى عنده القدرة على الوصاية انه لما يقول حاجة بيقى بيحمى الخمسة واربعين مليون. وبقية الخمسة واربعين مليون دول ما لهمش لازمة احنا لازم نعول بدل ما بنعول على المرشح نعول على الناخب. وازن دي فكرة بسيطة جدا - 00:19:02

المرشح هو الاحزاب الاحزاب مش موجودة ومش جاهزة. طب متشرkin قوي معلش بقى خلاص مش هينفع ننتزركم لان البلد هتضيع احنا هنعول بدلا منكم على الناخب الناخبين خمسة واربعين مليون اللي بيعرفوا يختاروا - 00:19:20
واحنا عندنا تليفزيونات هنفضل نوعي الناس وعندنا جرايد ده انا بتتكلم عن الاتجاه الحر الاتجاه العام الاتجاه الحكومي لاتجاه اللي

بىسموه بقى فصائل الحركات مؤسسات احزاب قوة وطنية يقول اسماء اصل المصطلحات ما فيهاش مشكلة. كل واحد يسمى نفسه اللي هو عايزه. مش مهم ينطبق على - 00:19:37

صح ولا لا؟ وينطبق على الحقيقة ولا لا انما في الاخر الناس دول عندهم تليفزيونات اكتر واحنا عندنا تليفزيونات احنا عندنا تليفزيون تتكلم في العلم الشرعي للناس الشرعيين. بس انما التليفزيونات العامة اللي واحدة رخصة عامة دي معهم كلها - 00:20:01

كنت معهم تليفزيونات معهم صحف وليس للاسلاميين صحف معه ولا الاخوان لهم صحف ولا حد له صحف ولا ولا تليفزيونات ولا شيء. ومعهم امكانات ومعهم ومعهم افضلوا وعوا اشتغلوا مع الخمسة واربعين مليون - 00:20:22

اقنعوهم انما لو انت عايز تقول لي ان الخمسة واربعين مليون مصرى كلام ما لهمش لازمة الا لما السيد فلان الفلاي يعمل الحزب بتاعه ويقوم الحزب لازم الاول وانا ما فيش مشكلة اقول لكم بالاسماء - 00:20:39

يعنى لازم حزب النور وحزب الحرية والعدالة وحزب فضيلة وحزب المصريين الاحرار وحزب عدل وحزب الكرامة لازم هم دول لو ما قاموش واشتغلوا ومكناوا لو ما قاموش واشتغلوا ومكناوا يبقى الشعب المصري مش هيفهم حاجة والخمسة واربعين دول كلهم عندهم تخلف عقلي خمسة واربعين مليون ما بيفهموش - 00:20:54

الا لو قامت الاحزاب ابني على شيء ليس ما اقدرش انتظره. ما اقدرش انتزر. واحد مرض الان مرض دلوقتي في حالة خطيرة الان بيكول والله ده انا ابني في ستة طب فاضل له شهرين وهمتحن استناه لما يتخرج ويبيقي دكتور ويعالجني - 00:21:22

الولد لسه ما اتخرجش وانت هتموت. رح لدكتور. وبعدين لما ربنا يكرمه ويخرج يا اخي يبيقي يقعد تحت رجليك يجر اباه انما تقول لي انا هعطل البلد كلها بالكامل واعرضها لمخاطر الحكم العسكري وللمخاطر التشتت والتمزيق والتفريق - 00:21:41

من الفصائل وتلويه سمعة الفصائل وكل واميكا هي امريكا يا اخوانى. امريكا بصفتها الدولة العظمى في العالم انتم متتصورين ان امريكا لما وقع الحراك القائم دلوقتي ده امريكا راحت روحت البيت نامت وقالت يا نهار ايض ده الشعب المصري كسب خلاص والسوارة تمكنت وبقت الحكم في ايد الناس - 00:22:02

ولا عندها بدل البديل مليون بديل لازم تتصرف هل حد يقول لي ان احنا نضع خطط نضع نفسنا تحت ذات الحكم العسكري اللي هو كان موجود قبل كده يا رب يطلعوا ملائكة - 00:22:27

يطلعوا احسن ناس في الدنيا. انما هم اللي كانوا موجودين التلاتين سنة اللي فاتوا العشرين سنة اللي فاتوا والعشر سنين اللي فاتوا. والان خدوا موقف كما يزعمون والله اعلم بحقيقة الامور انه - 00:22:42

عايزين نقى كويسيين. طب ماشي بس انا ما قدرش اتصور ان يبقى عندي محور حكم عسكري مطلق السلطات مع امريكا التي لها صالح مع ما يحدث من تفتت الشعب ومن احوال الناس للنيابات ومن غيره واقعد انا مطمئن لأنما عايز بقى الحكم العسكري سنة وستينين يجرى ايه لغاية لما اخلص الكلام - 00:22:57

الكلام ده كله مش ممكن وبعدين يتعلموا احيانا ودي نقطة جديدة ببعض النفقات. يقول لك بس واحنا نصرف كم على انتخابات كذا وكام على انتخابات كذا يا اخي الكريم انت ت يريد ان تملك الشعب اراده. اولا اللي بيحصل دلوقتي انا كنت ضده من اول لحظة. يعني مش انا - 00:23:17

مصير هذا لأنما كانرأي في شهر فبراير غير كده خالص وذكرت هذا مارا وانا الوحيدة في مصر كلها الذي ذكرته ان الانتخابات البرلمانية اللي هي مجلس الشعب والانتخابات الرئاسية اللاتين ممكن يجريا في يوم واحد. احنا مش لازم ايه الاول وايه الاخر - 00:23:39

ما فيش حد يقول كده مش لازم. امريكا بتحصل انتخابات رئيس الدولة مع البرلمان تجري في يوم واحد. واحيانا مع التجديد النصفي معمول بهذا في امريكا بطاقه مسلا لونها برتقالي وبطاقة لونها فزدقى ده آآ دي بطاقه البرلمان ودي بطاقه الرئيس في يوم واحد - 00:24:01

فانا قلت ساعتها قلت والله احنا نعطي ستة اشهر لتفاعل الشعب بس تخلي الاست شهور دول بقرار من اول لحظة. الاحزاب

متاحة. الصحف متاحة. الجمعيات السياسية والمدنية متاحة. اشتغلوا ايها الشعب وست اشهر كلموا الخمسة واربعين مليون المحترمين اللي ممكن تبني عليهم - 00:24:22

انت اكلمه وانا اكلمه انما النهاردة الاحزاب مش قادرة تنزل في الشوارع الاحزاب الوليدة اللي بتقولوا عليها احزاب شعبية بتعمل مؤتمراتها في قاعات مغلقة مش عارفة تقابل الناس وتقول لي انهم دول اللي ادي لهم فرصة ست شهور عشان يبقو اغلبية في البلد! مش ممكن - 00:24:50

ده شيء غير طبيعي. شيء يعني ما عشان كده بقول لك اللي بيり هذا الرأي هم الناس الناس الشيك. الناس المتأففة. اللي بيقعد يقول لا والله ان كذا وتم كذا. وبعد كذا وانتظروا عندما يحدث كذا وتحس الكلام جميل ومنطقي. بس ما ينفعش - 00:25:10

الراجل هيوموت لازم يروح للدكتور عربتك في الجراج خد تاكسي عندك انما لازم يروح للطبيب الان والا يموت وتقول له ازاى فالان الفالاني بقدره العزيز يركب تاكسي وهو عنده عربية موديل كذا اخر - 00:25:29

يا حبيبي الراجل هيوموت لذلك نحن لا نستطيع مطلقا ان نعول على خلاص انا زي ما قلت لكم كنا نتمنى ان تكون هناك احزاب قوية آآ لكن ما فيش خلاص يبقى انا بترك جانب - 00:25:47

المرشح واحد جانب الناخب. اثق في الشعب. هعمل له توعية واتكلم معه والشعب ده مش هبل ولا هطل. ولا متخلفين عقليا. وانا يا اخواني والله يشهد الله العلي الكبير تجربتي الشخصية - 00:26:08

ومن الصغر انا لا انسى هزا في سن اربعين سنة كنت لسة صغير وبعدين اشوف كده ناس واقل من كده ربما تلتاشر سنة او اتناسن سنة كمان كنت اشوف ناس - 00:26:22

ايه ده! هو ده اللي هيمنتخب آآ يعني طبعا والدي كان هو المرشح في البرلمان ساعتها هو ده اللي هيمنتخب ده راجل غلبان اوي ده راجل ما يعني ما ادراته محدودة اوي - 00:26:36

ده ده ما فيش خلاص وده كمان وده وده. طب كباء الناس برضو نفس الكلام وبعدين واحد في مرة بقول له طب اكتب لي النمرة وانا ابقي اتصل بك وهو راجل من من قيادات البلد قال لي انا ما باعرفش اقرا ولا اكتب - 00:26:53

استغرت جدا الراجل الشيك اللي لابس في منتهي الفخامة ده وسيد الناس والناس موسعة له الطريق وكده ما بيعرفش يقرأ ويكتب فقال لي اكتب انت انا ما باعرفش اكتب - 00:27:11

قلت ده اللي هيختار ولكن صدقوني والله يا اخواني بعد فترة لما تقدر مع النوعيات دي اللي انت متتصور انها ما بتفهمش وعشان كده انا بقول الفرق بينا وبين الناس اللي احنا مختلفين معهم دول - 00:27:24

انهم لا يثقون في هذه في الناس لكن لما تقدر ونحن نثق باذن الله تعالى فيهم لما تيجي تقدر مع الناس دول تتكلم معه تلاقيه واعي واعي غير طبيعي - 00:27:40

وعي انا ضد الاممية طبعا بس الاممية مش بس قراءة وكتابة. الاممية قد تكون امية الادراك الادراك ولذلك جايز تلاقي واحد عامل ولا فلاح ولا غلبان ولا كناش ولا يقرأ ولا يكتب ولا يعرف اي شيء في الدنيا. واعي اكتر من واحد طالب في الجامعة ما يعرفش حاجة. احيانا بيحدث - 00:27:56

دي امية ودي امية بس دول نوعين من الاممية هي في الحالتين امية لكن على نوعين عشان كده بقول لحضراتكم الناس دول اللي انا بحكي لكم وانا صغير كنت بشوفهم هم دول اللي هيختاروا الراجل العزيز ده. هم دول اللي هيقولوا على الراجل العزيز ده - 00:28:19

ایوه او لا ولكنني ادركت آآ مش بس في هذه الدايرة في دواير متعددة. يعني انا لا انسى الدائرة المجاورة لنا مباشرة انه كان فيها عملاق داخل الانتخابات لكن احنا بالثقافة العالمية بتاعتتنا العظيمة شافيفنه - 00:28:37

ما ينفعش وازا بهذا العملاق يسقط وخصمه ياخذ اكتر من اتنين وسبعين في المبة في الانتخابات وينجح ده ما كتش حد يتتصور ان هو ينجح لكن الناس فاهمة صح. الناس مدركة - 00:28:56

واللي نجح باتنين وسبعين في المية المرة دي ممكן ينجح المرة دي والمرة الجاية وبعدين في المرة الثالثة يكسل شوية يسقطوه.
شعب واعي لزلك احنا لازم نعرف ان اللي طالع في البرنامج اللي جنبي واللي جنبي واللي جنبي واللي جنبي وانا كمان احنا مش اوصياء على الخمسة واربعين مليون - 00:29:13

فاذما تغيب وجود الاحزاب فعلينا ان نعتمد على وجود الشعب ولا الشعب كمان مش موجود مش ممكן انما ان ننتظر وصدقوني سيكون عارا ان احنا نرجع نقطس ستيين سنة مرة تانية. يغطس الناس ستيين سنة مرة اخرى - 00:29:33

انما تعالى بقى الى نقطة مهمة جدا وعلى فكرة يومئذ سندكر بالاسماء. والله وانا من الان ساذكر بالاسماء انا باعمل الاحصاء من الان.
وهناك من يسجل هذه المواقف من الان ويسجل التنبيهات التي نبهنا اليها من الان علشان ما تذهبش مندثرة. سنقول بالاسماء - 00:29:54

ان هؤلاء الناس اللي هم عندهم حسن ظن وطيبين وانيقين وشيك ومنطقين وحلوين ويفكروروا حلو هم الذين قالوا ذلك ونبهناهم
بوصفنا ايدينا في الناس ايدينا ولذلك ده الفرق الفرق بين - 00:30:19

بين اللي في الشوارع في في وسط الناس وبين اللي قاعد بيمارس عمل فوقي عمل علوبي عمل انه يكتب ويفلسف ويفكري يكتب
ويفلسف ويفكر ويقضى على يعني يعني كانه بقلمه يقول هذا صح وهذا خطأ يصدر - 00:30:37

احكامنا على الناس والفرق بين الناس اللي في الشوارع ولذلك لما جه يقول لي ايه لاستفتاء اللي حصل ده في اخطاء حصلت ادت الى
ان الناس تقول نعم لكن لو لو مشي مزيوط كان هيبيقي حاجة تانية ومش معقول - 00:30:57

نتائج الاستفتاء تبقى مصادرة على الرأي بقى واحنا نقدر نقول طب ايه رأيك نعمل استفتاء تاني؟ مع ان انا ضد ده مليون في المية.
انما اذا اردت ان تعرف من انت؟ افضل اعمل استفتاء تاني ايذاء - 00:31:17

ابيت اعمل استفتاء تاني لتعرف ان شعب مصر لا يطيق هؤلاء الذين يلعبون في قدره في مقاديره تعالوا افضلوا اعملوا استفتاء تاني
علشان تشوفوا هل هي المنطقية المفرطة والعملية الحجج المفرطة ولا هو الواقع اللي يفرض نفسه هيضيع البلد - 00:31:33

انما اذا ابیت ان تلتزم بالقانون وبنتائج الاستفتاء من قبل ومصمم تحالف الدستور ومقاساة مصمم تحالف القانون ومصمم تحالف
الديمقراطية التي تدعوا اليها ومصمم تحالف كل ده. وممتنع تعمل استفتاء تاني كمان. علشان ما يبانش ان انت ليس لك ارضية في - 00:32:01

وكل اللي انت مصمم عليه فقط ان تكون انت صاحب القرار صاحب الوصاية على الناس فوالله متأسفين جدا لا يمكن ان
يكون هذا مقبولا وانا اخواني لا اعني من المسؤولية ابدا - 00:32:23

القيادات القيادات مش قيادات الحكومة الحكومية الحالية تطلع حلوة تطلع وحشة رئيس الوزراء الحي يطلع حلوه يطلع
وحش. انما في الاخر الانسان يحتاج الى حاكم قوي مش حاكم يبقى مش عارف يعمل ايه بين اللي بيضغطوا عليه يمين وشمال. ما
ينفعش - 00:32:43

ما ينفعش مصر مش حمل شخص او احد لا يستطيع ان يحكم الامور انه يبقى متتصورها تصور صح ويسمع شوري الناس ويسمع
ارائهم ثم يكون وقافا وحاسما في الامور بحيث تسير في مصلحة الناس - 00:33:09

انما المسألة اللي احنا مش عارفين دي العملية اللي مایعة تطلع مظاهرة هنا تقوم مغيرة القرار يحصل آآ حالة من النيابة العسكرية
تروح مرجعة تاني ده ده مش شغلي ده - 00:33:30

فانا النهاردة بقول اهو بمنتهي الواضح انه اذا كان ولا بد ان احنا بنتعامل مع الواقع كما هو لازم نعرف ان علينا ان نقطع دور واضح
في المسائل تماما. ايهما الاخوة - 00:33:42

هناك ايضا المسألة الحقيقة لابد ان تطرح ولابد ان تكون واضحة في اذهان الناس هو احنا يا ترى لما هنختار اختيارات دلوقتي لو
اتعملت بيقول لك الدستور اولا ولا الانتخابات اولا - 00:34:01

هل احنا بنختار اختيارا ابديا ولا ده اختيار ايضا موقف اسمه اربع سنين بتجيبي واحد بيقدعد اربع سنين ايه رأيك نتفق على ان

الاربع سنين الاولى دي هي مرحلة انتقالية في حد ذاتها - 00:34:18

هي مرحلة انتقالية يتعمل فيها الدستور. مرحلة انتقالية تجود فيها المؤسسات بس تحت سلطان برلمان اختاره الناس ويحاف من الناس لانه سيرجع اليهم في انتخابات تالية. فهيا حاسبوه كويسي بيقول لك ايه بقى في الرد على كده؟ كلمة خطيرة بقى. عايز اقف عندها لانها - 00:34:34

في حد ذاتها فكرة مستقلة يقول لك لأنك هتجيب لي ديكتاتور جديد يعني ايه ديكتاتور جديي يعني ان حسني مبارك كان ديكتاتورا بالنظام السابق وانا مش عايزه ارجع للنظام السابق فمش هينفع اختيار - 00:34:56

رئيس وبرلمان طبقا على نفس الدستور اللي فات لانه يعمل ديكتاتور جديد يا سلام يا سلام اولا الذي صنع الديكتاتور السابق في حقيقة الامر ليس الدستور الذي صنع الديكتاتور السابق - 00:35:14

مخالفة احكام الدستور بالقوة مش اعمال مجلس شعب حقيقة وانتخابات حقيقة وحصانات حقيقة وجهاز مركزي لمحاسبات حقيقة وكسب غير مشروع حقيقة ونيابة اموال عامة حقيقة وصحافة ممكنة حقيقة ما كانش ده بيقى ديكتاتور - 00:35:35

لان الدستور ما يخليلوش ديكتاتور ببقى معنى كده ان انا محتاج قوانين مش دستور قانون لمحاسبات القضاء قانون لمحاسبات جهاز المحاسبات قانون لمحاصنة دي قوانين يقدر يطلعها المجلس العسكري لو كان صادقا - 00:36:01

باعلان دستوري منه بمشروع قانون يعني قرار بقانون ويقدر يطلعها مجلس الشعب فيصبح الدستور الموجود هو الدستور كل حسني مبارك انت ما فيش عليك رقابة. لأنك بيخليل مجلس الشعب والشورى والجهاز المحاسبات وفيه قانون لمحاكمة رئيس الجمهورية او فيه نص على ذلك - 00:36:20

كمان الفكرة انه كان لا يطبق او قوانين لم تصدر. اصدروا القوانين يلا واشتغلوا انما تيجي لغاية النهاردة بعد كل ده انت اللي معطل الاحزاب لانه لازم ما فيش حزب يطلع الا لو كانوا من الاغنياء اللي معهم ملابسين عشان يقدر - 00:36:40

ينسى حزب وانت اللي معطل الصحف وانت اللي معطل الجمعيات وانت اللي مش مطلع قانون لمحاسبات القضاة وانت اللي مش مطلع قانون لمحاسبات المحكمة الدستورية وانت اللي مش مطلع لانتخابات وانت اللي مش مطلع قانون لمحاسبات الانتخاب او ضمانات الانتخاب - 00:36:56

وكفالة نزاهته وانت اللي مش وانت. وبعدين تقول لي انا مش مطلعه واستنى لما الحالات دي تطلع. ما هو انت الذي بتترتكب هذه الجريمة. انت الذي تؤخر عشان كده احنا بنقول بمنتهى الوضوح هم يحجزون شيئا ثم يحتاجون بان الحاجات دي مش موجودة. ما انت اللي مخلينها مش موجودة - 00:37:15

نزلها. مين يقول ان حزب العمل محمد من ساعتها لغاية دلوقي ويستطيع بقرار انه يفك تجميده؟ مين يقول ان حزب الكرامة ممنوع لغاية دلوقي وهو ناصري لو اسلامي ولا يمت ل الاسلام بصلة ومع ذلك اهو يعني كمنهج سياسي يعني ومع ذلك محمد لغاية دلوقي يعني عايز اقول لك انا كان ممكن - 00:37:35

انما انت اللي حاجز بايدك وبعدين بتتحجج تقول معلش اصل الحاجات دي مش موجودة. طب ما تخليها موجودة لذلك تبيينت النية. عشان كده بقول لحضراتكم الدستور الموجود لما هييجي رئيس ما الدستور ده ما يخليلوش ديكتاتور - 00:37:55

ايوة له صلاحيات وايوة له سلطات لا شك انها لازم تتتشال. لانها عار وجريمة زي انه مسلا بيقى من حقه حل مجلس الشعب في حالة كذا من حقه كذا وحتى كانت قبل كده بناء على استفتاء شاله حكاية الاستفتاء مسلا لو يعني ايه يعني معلش - 00:38:12

بسريعة كده ان مجلس الشعب لو اتخاقي مع الحكومة يقوم بيحصل بينهم خناقة كده في مجلس الشعب. انه صاحب السقة لأ طب مش صاحب السقة مش عارف ايه في الآخر رئيس الجمهورية من حقه في هذه الحالة انه يحل مجلس الشعب. طبعا ده - 00:38:32

مش ممكن لكن الحالة دي في الوضع الثوري اللي احنا فيه ناس هيثوروا عليه. فورا ولذلك انا بقول ان الدستور القائم لم يصنع ديكتاتور لان الدستور بيصنعي ديكتاتور لأن مخالفه الدستور - 00:38:46

هي التي صنعت ديكتاتور بقى فيه مجلس شعبي مزور مش حقيقي. فالحقيقة ان ما فيش مجلس شعب بقى قانون ضمانات

الانتخاب بس كده وازبطة مزبوط جدا. خلي الناخب يوقع عشان تبقى جرائم تزوير. فعلا ثبتت - 00:39:04
التوقيع مش مطابق بس واعمل قانون تزوير فورا بيقى مجلس الشعب حقيقى بس فالدستور بيقى فيه رئاسة وحكومة وفيه برلمان
يراقب ادي حصانات لجهاز المحاسبات. ادي حصانات للقضاة. ادي ادي. وياللا وادي قوانين مش محتاج شيء. وبعدين - 00:39:20
الذى سينتخب كبرلمان مكلف فورا يبدأ في مسألة اعداد الدستور. يقول لك طب ما انت ما قلتليش شف بقى شوف يقول لك انت ما
قلتليش البرلمان هيختار الهيئة التأسيسية اللي هتحط الدستور ازاى - 00:39:40

وانا اقول لك ليه التعديل الدستوري بيقول ان شعب مصر هيختار ممثليه انت واصي على شعب مصر وبعدين ممثلي شعب مصر
هيختاروا المية واحد بتوع الهيئة التأسيسية. انت واصي كمان على ممثلي شعب مصر. تقوم تقول لي ولا شعب مصر ولا ممثلي شعب
مصر. قل لي الاول هيختاروا - 00:39:58

ازاي واشترط ان انا اكون فيهم ويبقوا توافقين ولازم بيقى فيهم كذا غصب عن عينين هزا الشعب وغصب عن عينين الناس ومش
هسمح انهم يختاروا قبل ما ما تقول لي - 00:40:24

ولذلك ما اشبه هذا والله بقطاع الطريق اللي وافق يقول لك بص بقى ولا تقول لي شعب مصر ولا تقول لي استفتاء ولا تقول لي
انتخابات ولا ممثلين الشعب ولا الهيئة التنفيذية قل لي انا فين الاول؟ هبقى موجود ولا - 00:40:37

انت مش موجود في هلح فيها زي ما بيقولوا العوام اذا كنت موجود همشي لك الامور. نعمل صيغة كده توافقية تقر لي باللي انا
عايزه. وانا اقر لك باللي انت عايزه ونوصل كده لتوافق - 00:40:54

ونعرف هنختار المية واحد ازاى؟ اول ما الاقي الكلام مزبوط افتح لك الطريق امشي يا عويس وسع كده للباشا خليه يمر انما غير كده
انا قطاع طرق مش همشيه مش ممكن - 00:41:10

مش ممكن هذا المنطق يقبل يا اخواني مهما كان انسان قدراته العقلية مرتفعة ان يتكلم من هذا المنطق مطلقا امال ايه الصح بقى
علشان الكلام الكبير اصله احيانا يأخذ يعني منا كل ما اخذ وانا الحقيقة يعني آآ عندي يعني يعني انا عايز اخلص لاني عندي ارتباط
مع الاسف - 00:41:22

اه الحل الحقيقة اه الحل كالاتي ان شاء الله. اولا ان نفتح كافة منافذ الحريات فورا الان الان فورا واحنا اتأخرنا طبعا كتير صحف
واحزاب وجمعيات وحرفيات وحركة ومؤتمرات تماما - 00:41:47

نمرة اتنين ان نزيل كافة ما يمنع الناس من آآ آآ من ابداء رأيها والتفاعل لأن في بعض القوانين موجودة بتمنع هذا نمرة ثلاثة ان
نمارس عملية حوار مع الشعب المصري. مش حوار عبدالعزيز حجازي ويحيى الجمل. ده حوار - 00:42:25

انا هقول صراحة ده من احابيل مكر الليل والنهار. انا ده رأيي احنا فاضيين قاعدين يتناقشوا هات وادي واعمل وكذا والنخبة نناقش
مع الشعب مع الناس لانه في الآخر انا هحكمها بشيء واحد مش بوثيقة تصدر عن مؤتمر حوار - 00:42:52

لأ بانتخابات انا اتناقش ودي نمرة ثلاثة زي ما قلنا اتناقش مع الشعب المصري. يطلع الدكتور العزيز عبدالعزيز حجازي والدكتور العزيز
يحيى الجمل والدكتور العظيم عصام شرف والدكتور العزيز آآ فلان ليبرالي الخطير فلان والصحفي القدير فلان يطلعوا على
التليفزيونات ويتكلموا - 00:43:12

ويطلعوا رموز جماعة الاخوان ورموز السلفيين ويتكلموا. ويطلعوا اصحاب الاراء المتعددة ويتكلموا ويدي كل واحد مش حوار
عايزين الحوار ماشي عايزين ربع ساعة يقول فيها ويتكلم ماشي. المهم في الآخر - 00:43:37

الشعب المصري ده مش شعب مغفل ولا اهطل ولا مغيب ولا ما لوش قيمة. هو ده اللي في الآخر يقدر يسمع كده ويوزن
ويراعي الاعتبارات المنطقية فين والاعتبارات العملية فين واعتبارات الخطورة فين واعتبارات ما يتريض بنا - 00:43:53

من امور ممكن تضيعنا فين واعتبارات الناس اللي عايزه يا عم تخلص بسرعة عشان تحكم هي البلد فين واعتبارات الناس اللي
عاملين اتفاقات بينهم وبين بعض فين كل اللي بيتقاول والتهم شعب مصر واتهם انت عايز تتهم الحزب الفلاني وهو يرد تهم
الجماعة الفلانية - 00:44:13

وهي ترد ويحدث امام الشعب كله خلاص وفي يوم من الايام تجرى الانتخابات بناء على هذا. هينزل واحد اسمه حسن وواحد اسمه علي وواحد اسمه مصطفى في الدايرة هتتلخص المسألة في انه الشعب ده - [00:44:33](#)

هيبقى شايف حسن ده راجل كويس او وحش بناء عليه هيختاره. حسن ده اصبح اسمه نائب الشعب يا اخوانى ازا كانت امريكا لغاية دلوقتي بتنتخب الرئيس بنظام المندوبين اللي هو على درجتين ان الشعب يختار المندوب بتاعه. والمندوب هو الذي يصوت للرئيس - [00:44:51](#)

خلاص طيب بس فيه صح فيه غلط فيه مخاطر فيه مش عارف ايه طب ما قل للشعب انت بتقول لي انا انت بتقول لنفسك انت بتقول لي مؤتمر الحوار الوطنى انت بتقول لدكتاترة - [00:45:10](#)

فترة الجامعة انت بتقول للقضاة والمحامين انت بتقول للعلام قل للشعب قل للناس اللي هم اصحاب الحق وبعدين مكفهم ينتخبو اذا انتخبو هو ده قرار الشعب في الآخر مش دي اللي هم بيزيدوا علينا به بالديمقراطيات يا اخوانى. لازم نضع هذا الكلام في حسباننا تماما. ولازم نعرف انه هذه - [00:45:20](#)

المسألة هي الطريقة التي يصح تماما ان نسير فيها احنا الحقيقة هنا مش عايز انا اتجاوز يعني آآ حدود الكلام في آآ مسألة اقناع الشعبي وراء الناس واتخاذ قرار آآ سلامة الانتخابات - [00:45:42](#)

سلامة الصحف وسلامة الاحزاب وغيره. انما انا عايز اقول انه بعض القوانين تمثل خطورة فزيعة جدا وانا هضر لك مثل عشان بس بيقى النهاردة احنا اوضحنا الصورة وضوها كاملا لأن انا الحقيقة بحب الطريقة الرائقة - [00:46:03](#)

الواضحة الرائقة اللي هي توضح اللي ممكن تسميتها انت الطريقة الرائقة. انما تبقى الامور واضحة يقول لك نعمل انتخابات بالقايمة ولا فردي؟ ويقعدها يتناقشوا قайمة ولا فردي؟ ها ها قيمي ولا فردي؟ - [00:46:23](#)

قайمة ولا فردي بتلاقي الاحزاب دي تقول قайمة ودي يقول طب تلت بالفردي وتلتين بالقايمة. لأ طب ما تخليها احسن تلتين بالفرد وتلت بالقايمة طب الكلام ده - [00:46:46](#)

والله يا اخوانى انا شخصيا يعني شخص على الاقل الواحد ايده في في النار زي ما بيقولوا باستمرار انا مستغرب لو جد خلي خلي بقى عشان اريح نفسي واريح اللي بيسعني واريح الناس كلها. خلي الانتخاب بالقايمة احسن - [00:46:59](#)

افتراض ان هو احسن. واكثر ترجمة لقدر الاختيارات الناس ما بيهدرش اصوات واحسن للمعارضة واحسن للتمثيل النسبي وللأحزاب وكل حاجة انما يا ناس ده وطن بلد. فيه حد في الدنيا - [00:47:20](#)

قبل اجراء الانتخابات بشهرين بس او بثلاثة بس. شف نفس نظام حسني مبارك. لسه موجود. او عى حد يقول انه اتغير او عى حد يقول انه اتغير هو اللي اتغير اسماء الاشخاص - [00:47:40](#)

انما المسألة زي ما هي المسألة دي النمط نفسه كما هو بذات الصورة في حد في الدنيا ان يقول ان قبل الانتخابات بشهرين او ثلاثة افضل ملبط الناس زي ما كانوا بيعملوا. قайمة فردي فردي قيمة. اسمعوا يا اخوانا - [00:47:54](#)

آخر انتخابات مجلس الشعب اجريت في عهد حسني مبارك كانت الفين وعشرة واللي قبلها الفين وخمسة لو سمحتم واحنا دلوقتي المفروض قبل اجراء الانتخابات مسلا باربع شهور او خمس شهور - [00:48:12](#)

هاتوا الجرائد بتاعة الفين وعشرة ايام حسني مبارك والفين والفين وخمسة ايام حسني مبارك قبل الانتخابات بخمس شهور واقروها موجودة على التت الحمد لله. هتلاقوا نفس النقاشات بنفس الوجوه ونفس الاشخاص. بنفس المنطق - [00:48:23](#)

قайمة ولا فردي؟ تلت ولا تلتين؟ هاتوا الجرائد وبفضلوا مخولين الناس ويقول لك بعد كده اخبار خاصة تخرج ان الاتجاهات تتجه نحو اجراء الانتخابات مثلا قائمة ومش عارف ايه ويقعد الناس يتكلموا وبعدين خلاص على حافة الانتخابات على حرف الانتخابات يحسموها. نفس الكلام - [00:48:41](#)

اتجاهات لمجرد مخولة الناس لخبطه الناس ان ما فيش شيء مستقر. وبعدين يا ويلنا بقى لو طلع القانون فعلا بعد بعد ما هو قاعد يهز الناس عشان ما حدش يعرف ياخذ قرار - [00:49:07](#)

يا ويلنا بقى لو طلع القرار بانها بالقايمه دلوقتي. عارف يحصل ايه؟ او لا تغير الارض اللي احنا واقفين عليها لانه هيغير الدواير لازم
هيغير الدواير. انت حضرتك داخل في دايرة ايه؟ دايرة كزا لا خلاص ما بقتش هي دي الدايرة. ده انضم لها دايرة كزا ودايرة كزا -

00:49:23

يبقى الناخبيين اللي انا اصلا عامل حسابي عليهم بقوا عباره عن ربع الناخبيين والحق ازاي في شهر ونص اروح للناخبيين دول كلهم اه
ما هو انا قاصد ان انا مخولك. انا كنت قاصد اوقعك انك تبقى مش عارف فين الارض اللي انت واقف عليها. هم دول ناخبيك ولا دول

عشرين في المية منهم - 00:49:41

انت محتاج تمانين في المية تانين لا تعرفهم. ولا تعلمهم. ده ده مكر الليل والنهار وبعدين غير كده هتخليها دايرة واحدة لأهخليها
قايمه نسبية ولا قايمه مطلقة القايمه دي معناها ان انا بدل ما انا باخد قراري بستخير ربنا واسأل اهلي وقرائي واصحابي وحبائبي
وانصاري وخصومي واشوف - 00:50:01

ولا لا معناها ان انا اروح لواحد اقول له ما تاخدي معك في القايمه بيقول لك لأ ما اقدرش اخدك في القايمه اقول له طب انا اخترت
قايمه كزا ما تيجي انت معندي ادور على ناس هروح بقى فين اروح لمين بقى للحرار بقى ولا التجمع؟ لا اروح للوقد الجبهه
اروح - 00:50:25

بلاش المصريين الاحرار لأن العدل بلشناها ويلفوا الوسط اللي مش عارف الحرية والعدالة وبعدين في الآخر كله قال له برة يقوم
داخل في الفار دي والفردي محتاج يدخل في - 00:50:42

خمس اضعاف وده وده كلام ده؟ هو ده فيه في ده معناها ان انا بقطع البلد بتاعتي انا بغرقها بغضتها بخلني لا المرشح عارف اللي
هيترشح فيها لغاية دلوقتي يجهلها. ولا عارف الناس اللي هيمنتخبوه مين هم. ولا عارف مين اللي هيتفق معهم عشان يعمل قايمه.
تقول لي ان دي - 00:50:57

راشدة يا راجل لناس وطنيين. وانا عايز اخون حد ولا عايز اقول على حد مش وطني. ولا عايز برضو اقول على حد وطني. هو انا ما
ليش دعوه. ما ليش دعوه - 00:51:17

وانا مش باقيم اشخاص. انا مش شغلتي اقعد اقيم. انما انا باكلمك هل في الدنيا كلها حد يفكر ان هو دي الطريقة اللي انا فيها على
بلد وعلى وطن اغير الارض من تحت اقدام الناس. قبل الانتخابات واغير القانون واعمل طب ما تعمل كده دلوقتي او من شهرین ثلاثة
فاتوا عشان الناس - 00:51:27

موقع اقدامها. انما تفضل مغمياني ومغمي الناس ومعمي عليهم. ولسه بتعمي عليهم تقول لسة وسوف وسوف علشان توقع
البلد هذا الكلام والله ارى وراءه ما اراه بوضوح ارى ولذلك انا اقولها بغایة الوضوح. اللحظات اللي احنا فيها دي لحظات فارقة في
تاریخ - 00:51:50

اما ان ندرك امورنا ليكون البلد ملكا لاهله. واما ان نفس الاحابيل والالاعيب والدياجير والامور اللي هي شغاله هي هيابها. ايها الاخوه
لقد رددت اليوم بقدر ما استطيع على كل شيء. الدستور اولا ولا الانتخابات اولا بالقايمه ولا بالفردي - 00:52:14

الدستور هي عمل ديكاتور جديده كل شيء ازن يعني لم يبق شيء لم يبقى الا ان اسمع دوي اصواتكم انتم. ان اسمع حراككم انتم وانتم
تدافعون عن هذا الوطن وعن هذا البلد وانتم لا تسمحون لمن يلعب باقداره - 00:52:35

بجلسة امام كاميلا بان يضيع وقته. ايها الاخوه لقد سعدت ودائما اسعد بلقائكم الكريم. وسامحوني ان كنت في هذه الايام تحت تأثير
الاجهاد يعني يبدو علي كثير من الاجهاد لكن آآ يعني انتم على كل حال - 00:52:56

الاهل فضل واسأل الله عز وجل ان آآ تعذرولي في هذا. واسأل الله ان نلتقي بكم دائمًا على خير. وكما ترون دائمًا كل ما اتيحت لنا
الفرصة فاننا نسعد باللقاء وبالاستجابة لدعوه هذه النافذة. فيعني شكر الله لهم - 00:53:16

اسأل الله ان يجمعنا على الخير والهدى والبركة والرشاد يا رب العالمين. ولا آآ افلت انا في شهر رجب حيث خشية القلوب توجه الى
الله عز وجل حيث الصوم حيث الشهر الحرام حيث التهئه لاستقبال شعبان حيث التهئه لاستقبال رمضان - 00:53:36

حيث ذكر الله حيث الرجوع الى الله عز وجل حيث التأكيد انك حيث يرضي الله عنك وانك لست قلباً ذئب يقف من ربه موقفاً ضدياً.
اسأل الله عز وجل لي ولكلم السداد والرشاد يا رب العالمين. واسأل الله لبابائنا وامهاتنا - 00:53:56
المغفرة والرضوان. اسأل الله ان يهدي اباءنا وابناءنا واخواننا واخواتنا وان يهدينا وان يغفر لنا مغفرة عزماً لا يغادر لنا بها ذنباً
برحمتك وانت الججاد الكريم يا ارحم الراحمين يا رب العالمين. شكر الله لكم والسلام عليكم ورحمة الله - 00:54:16
الله وبركاته. والحمد لله رب العالمين - 00:54:36